



## Universitätsbibliothek Paderborn

**D. Bernardi Primi Clarævallensis Abbatis, Ordinis  
Cisterciensium Antesignani, melliflui Ecclesiæ Doctoris  
Sermones In Dominicas & Festa per annum**

**Bernardus <Claraevallensis>**

XXV. De verbis Apostoli, Volo primum fieri obsecrationes &c. seu, de 4.  
modis orandi.

**urn:nbn:de:hbz:466:1-39254**

eo facile triumphabis. Quòd si forte (ut est certaminis consuetudo) contigerit aliquando vulnerari, immittet verbum suum, & sanabit te, & eripiet te de interitionibus tuis, ut in te quoque impleatur quod ait Centurio, cuius fides tam magnifice commendatur & : Domine (inquit) dic <sup>g</sup> Matt. 8. a tantum verbo, & sanabitur puer meus. Sed et si titubas adhuc, confitere & clama <sup>b</sup>. Mei autem penè moti sunt pedes, penè effusi sunt gressus mei : & in verbis suis confirmabit te: ut experimento discas, quoniam verbo Domini coeli firmati sunt, & spiritu oris eius omnis virtus eorum.

In his atque hujusmodi persevera, in talibus jugiter exercere, donec jam dicat spiritus, ut requiescas à laboribus tuis. In hoc verbo quiesces dulciter, ac suaviter soporaberis, donec veniet hora, cum omnes qui in monumentis sunt, audient vocem eius, & procedent. Sed quòd? Alii quidem in judicium, alii vero in vitam æternam. Et quis scit si est dignus amore vel odio? Tunc maxime memor esto verbi tui servo tuo Domine, in quo mihi spem dedisti, ut ab auditione mala non timeam: sed beata magis auditio perducat ad visionem, cum dices <sup>i</sup>: Venite benedicti patris <sup>j</sup> Matt. 25. d mei, &c. Quicunque enim confitebitur me coram hominibus, ait ipse <sup>k</sup>, hunc <sup>l</sup> Luc. 12. 3 & ego confitebor in conspectu patris mei & Angelorum sanctorum: quod nobis conferre dignetur ipie qui constitutus est judex vivorum & mortuorum, Amen.

## S E R M O   X X V.

De verbis Apost. *Volo primum fieri obsecrationes, orationes, &c.*

1. Tim. 2. a.

*Alias, De quatuor modis orandi; Obsecratione, Oratione, Postulatione & Gratiarum actione.*

*Pbi de Reverentia tempore orationis necessaria eleganter differit.*

**Q**uartuor mihi videntur otandi modos exprimere Apostoli verba di- <sup>a</sup> 1. Tim. 2. centis <sup>a</sup>: *Volo primum fieri obsecrationes: deinde orationes, postulatio- nes, gratiarum actiones.* Sunt enim quos adhuc peccati conscientia ter- <sup>b</sup> 1. Obsecratio- ret & cruciat, nondum accepta resistendi virtute, tunc scilicet cum pri- nem tribuit in- mum ipsos in peccatorum eoно jacentes spiritus veritatis irradiat, & ex- fernis consci- citans erubescere facit, & timere Deum dum vident immanitatem cri- tiis, & errore peccati conser- mintum, meritorum exiguitatem, & velut ardenter coram se gehen- natis. nam expavescentes, quoniam in scipsis boni nil inveniunt, aliunde appre- hendunt unde tegantur. Sicut enim quòd non sit tutum in conspectu Domini Dei sui vacuos apparere contra legis præceprum <sup>b</sup>, & multo <sup>b</sup> Exod. 23. b minus id præsumere plenis stercore manibus audent. Quia ergo timent, & 34. c & merito timent per scipios accedere, student quasi per alios supplicare. Tale est illud orationis genus, quo solemus uti dicentes: *Sancte Petre ora pro nobis. & familia. Maxime vero illud obsecratio est manifesta;* *Per passio-* <sup>c</sup> *Sancti nostri* nem.

*nem tuam libera nos Domine : & cætera in hunc modum. Tale enim videatur, ac si latro deprehensus, & jam vicinus suspendio, quando penitus desperat, nec invenit in se unde veniam deprecetur, extendens brachia dicat: quia sic passus est Christus ; ut eorum à quibus tenetur, animos moveat ad pietatem.*

*c Matt. 11. b  
d Luc. 18. b c*

*e Matt. 9. c*

*e Ibid.*

*f 1. Cor. 25. f*

*g Ioan. 8. d  
Peccatori non  
expedit per se-  
ipsum accedere  
ad Christum.*

*2. Orationem  
attribuit Paulus  
tentibus.*

*h Luc. 7. f*

*3. Postulationē  
assignat jam re-  
ceptū in grati-  
am.*

Credo ego de talibus dici posse, quia *regnum cœlorum vim patitur, & violenti rapiunt illud* <sup>c</sup>. Vim faciebat regno cœlorum *Publicanus ille* <sup>d</sup>, qui dum non auderet oculos ad cœlos levare, ipsum cœlum ad se potuit inclinare. Simile aliquid *mulier illa* egisse videtur <sup>e</sup>, quæ profluvium sanguinis habens, dum timeret ad Christum accedere, fecit ab eo virtutem exire. Furtim enim tetigit fimbriam, & curata est ab infirmitate: unde & dignantis quodam modo verbum videtur quod de ea Dominus ait <sup>e</sup>: *Quis me terigit?* Et addidit: *Sensi à me exire virtutem.* Non credo quòd sit inter nos quispiam, sed forte nonnulli in sacerdotali habitu, vel conversione potuerunt aliquando experiri quid loquor, ut inviti fluxum sanguinis paterentur, ejus inquam sanguinis qui regnum Dei non possidebit <sup>f</sup>. Etenim qui facit peccatum, servus est peccati <sup>g</sup>; nec sua se poterit continere virtute, etiam cum volet. Huic ergo minime expedit per seipsum ad Christum accedere, sed tangere, si quam inyenerit ejus fimbriam, hoc est eum considerare hominem quem humiliorem viderit, & extremum in Ecclesia, quæ est vestis Christi: eum, inquam, qui elegit abjectus esse in domo Dei, oportet considerare quoniam is verè est fimbria posita in ora vestimenti, ad quam utique spiritualis unguenti descendens à capite copia tota decurrat. Hunc si beneficiis aliquibus seu prece humili, aut confessione pura tetigerit, ut affectum ejus erga se moveat ad compatiendum sibi, habeat fidem, & sine dubitatione sanabitur. Illud tamen noverit fimbria, non à se, sed à Christo exiisse virtutem, qui & tangi se protestatur in fimbria. Expressi nunc vobis quantum potui quale sit, & cui animæ necessarium genus obsecrationis.

At vero jam continendi virtute accepta securus accedit, qui sibi conscius fuerit pro delictis præteritis veniam querens & oratione utens, quæ nostri oris est ratio, quando jam ore suo loquitur cum Deo suo. Hinc illud est, quòd Maria Magdalena <sup>h</sup>, quanquam non minus humili haemorrhœssa illa: non sic tamen veretur accedere, sed rigat lachrymis pedes, capillis tergit, unguit unguento, osculatur ore devoto. Unde satis liquet, quòd omnino jam proposuerat in corde suo à peccato deinceps abstinere: & quasi profluvium stabat. Quod si jam consecutus es & tu, primum est ut ipsi Domino in oratione loquens, recogites annos tuos in amaritudine animæ tuæ,

Dehinc postquam in lamentis poenitentiae aliquandiu perseverans, hilaritatem quandam & fiduciam conceperis indulgentiæ, accede jam ad postulationes: ut securè tanquam receptus in gratiam Domini, tibi & conser-

*vis*

vis tuis audeas peteres quod oportet. At fortassis requiras, unde aut quomodo nosse poteris, utrum hanc consecutus sis indulgentiam. Sic nimirum conservanda humilitatis gratia, divina solet pietas ordinare: ut quanto quis plus proficit, eo minus se reputet profecisse. Nam & usque ad supremum exercitii spiritualis gradum si quis eousque pervenerit, aliquid ei de primi gradus imperfectione relinquetur, & ut vix sibi primum videatur adeptus. Attamen scio quod hodie lectum sit in Evangelio, dixerat Iesus paralytico<sup>i</sup>: *Confide fili, remittuntur tibi peccata tua:* & reputatum est ei ad blasphemiam. At ille, cui nimirum cogitatio hominis confitetur: *Quid (inquit) cogitatis mala in cordibus vestris? Blasphemare me blasphematis, & quasi ad excusandum vim visibilis curationis virtutem mihi invisibilem usurpare.* Sed ego vos potius blasphemos esse convinco, signo probans visibili invisibilem potestatem. *Vt sciatis (inquit) quia potestatem habet filius hominis in terra dimittendi peccata,* tunc ait paralitico: *Surge, tolle lectum tuum, & ambula.* Et tu ergo si jam surgis desiderio supernorum, si grabatum tollis, corpus scilicet à terrenis elevans voluptatibus, ut jam non feratur anima concupiscentiis ejus: sed magis ipsa, ut dignum est, regat illud, & ferat quo non vult: si demum ambulas, quæ retrò sunt oblivious, & ad ea quæ ante sunt te extendens desiderio & proposito proficiendi, curatum te esse non dubites. Neque enim surgere poterat, si non aliquatenus onus esset alleviatum, & nec grabatum tollere, nisi exoneratus magis, quia nec ambulare in fervore conversationis cum peccatorum gravi mole possibile est.

Propter quod fiducialiter jam postulare potest qui ejusmodi est, tantum cayeat ne forte aut postulet non postulanda, aut minus postulet quæ à Deo sunt postulanda; aut ea tepidè querat, quæ toto affectu, & omni tempore sunt querenda. *Petiti & non accipitis* (ait Jacobus<sup>k</sup>) *eo quod male petatis, utpote in concupiscentiis vestris.* Sic agit omnis qui terrena querit ultra necessitatem, qui mundalem gloriam sectatur aut voluptatem. Tale est etiam quod solent seculares homines mortem inimicorum in orationibus postulare, ceteraque similia quæ non oportet. At vero temporalia si defuerint, petenda quidem sunt, quantum necessitas humana requirit: sed juxta beati Gregorii sententiam, non sunt hæc nimium requirenda. In quo genere etiam illa spiritualia sunt, sine quibus nihilominus salus constare potest, ut sermo scientiarum, gratia curationum, omniaque de quibus certum non habemus quid expedit nobis: utpote si te fatiget tentatio, supplicandum quidem pro ea ut auferatur à te, sed non nimis obnoxia, quoniam in talibus meminisse semper oportet apostolicæ illius sententiae<sup>l</sup>: *Nos enim quid oremus sicut oportet nescimus;* & Deo magis committere, quam temere aliquid apud nos definire.

Sermones S. Bernardi.

LIII

Hæc

*Humilitas Pro-  
ficientium ali-  
tur sensu expe-  
rientiali imper-  
fectionum.*

<sup>i</sup> Matt. 9. a

*Signa & indi-  
cia curationis,  
sue remissionis  
peccatorum.*

*Modus recte  
postulandi.*

<sup>k</sup> Iacob. 4. a

*Temporalia &  
gratia gratis  
data & sub condi-  
tione petenda.*

<sup>l</sup> Rom. 8. c

*At gratia gra-  
tum faciens, &  
gloria eterna  
simpliciter &  
absolute.*

*m Luc. 18. a*

*n Psal. 26. c*

*o Psal. 26. b*

*4. Genus oratio-  
nis, Gratiarum  
actio.*

*p Isa. 65. d*

*q Ioan. 11. c*

*r Jacob. 1. a  
s Iesue. 1. a*

*† Regul. S.  
Bened. c. 19.*

*Quanta cum  
reverentia in  
oratione ver-  
sandum.*

*t Psal. 41. a\**

*# Dan. 7. c*

Hæc autem sunt toto affectu, & omni tempore postulanda, hæc sunt pro quibus incessanter & quam obnoxie poterunt, ad Deum clament desideria tua, ut habeas gratiam ejus bonam, & placere possis in oculis pietatis ipsius, & in eo vivas, moriaris in ipso, ut gloriam ejus videre, & ipso frui in perpetuum merearis. De his enim dictum est <sup>m</sup>: *Sine intermissione orate.* Unde & Propheta <sup>n</sup>: *Exquisivit, inquit, te facies mea. faciem tuam Domine requiram.* Et alibi <sup>o</sup>: *Vnam petii à Domino, hanc requiram, ut inhabitem in domo Domini omnibus diebus vita meæ.*

Porrò ad quartum genus orationis, quod est *gratiarum actio*, per paucos attingere credo: & quo rarius, eo preciosius est. Multam enim prorsus gratiam inveniet apud Deum, quem juxta promissionem <sup>p</sup> suam exaudit antequam invocetur: & testimonium reddet spiritui eius spiritus quem habet ex Deo, quoniam exauditum est desiderium ejus, ita ut certus, jam non orare, sed gratias agere possit. Sic enim habes in Lazari resuscitatione, ubi Dominus, licet prius nihil orasset: *Pater, inquit <sup>q</sup>, gratias ago tibi quia audiisti me.* Prima igitur, id est, *obsecratio* verecundo fiat affectu. Secunda, quam propriè diximus *orationem*, affectu puro: videlicet non dissimulemus peccata, non nos palpemus: scientes quod sic quisque invenit gratiam apud Deum, si inventus fuerit durus judex in semetipsum. Tertia, id est, *postulatio* amplum quærit affectum, & fiduciæ latitudinem, sicut scriptum est <sup>r</sup>: *Postulet autem in fide nihil hesitans.* Credo enim propterea dictum <sup>s</sup>: *Quemcunque locum calcaverit pes vester, vester erit*, quod tantum impetrabimus, quantum porrexerimus pedem fidei. Quarta quæ est *gratiarum actio*, ipsa debet esse devotione plenissima, & deliciis affluens.

Jam verò de reverentia Orationis, in eo quod lectum est in capitulo ipsius Regulæ, vos modò sollicitavit auctoritas <sup>t</sup>, ex cuius occasione aliqua de oratione dicenda putavi. Illud tamen breviter dico, non nullos (ut arbitror) experiri interdum in oratione aridatem & hebetudinem quandam mentis, ut solis orantes labiis non satis attendant neque quid dicant, neque cui loquantur, pro eo quod velut ex consuetudine quadam cum minus digna reverentia & sollicitudine accesserunt. Quid enim aliud cogitare debet frater intrans ad orationem, quam propheticum illud <sup>u</sup>: *Ingredi-  
ar in locum tabernaculi admirabilis, usque ad domum Dei?* Omnino siquidem oportet nos orationis tempore curiam intrare cœlestem, illam utique curiam, in qua rex regum stellato sedet solio, circundante innumerabili & ineffabili beatorum spirituum exercitu. Unde & ipse qui viderat, quia maiorem numerum non invenit: *millia, ait, millium ministrabant ei, & decies centena milia assisterant ei* <sup>v</sup>. Quanta ergo cum reverentia, quanto timore, quanta illuc humilitate accedere debet à palude sua procedens & repens ranuncula vilis? *Quam tremebundus, quam supplex, quam denique hu-  
milius*

mili & sollicitus, & toto intentus animo majestati gloriæ, in præsentia Angelorum, in concilio justorum & congregacione assistere poterit miser homuncio?

In cunctis igitur actionibus nostris multa opus est animi vigilantia, sed præcipue in oratione. Etenim sicut in Regula nostra legimus<sup>†</sup>, licet hora omni & omni loco oculi Domini super nos speculentur, maximè tamen in oratione. Licet enim semper videamur, sed nunc etiam præsentamus & ostendimus nos quasi facie ad faciem cum Deo loquentis. Porro quamvis ubique sit Deus, in cœlo tamen orandus est, ibique orationis tempore cogitandus? ut mens nostra non oratorii tecto, non aeris spatio, non ipsa retardetur nubium densitate, juxta eam formam quæ nobis à Christo tradita est, ubi ait <sup>x</sup>: *Sic orabitis: Pater noster qui es in cœlis.* Cœlum enim quadam prærogativâ etiam sedes sive thronus Dei vocatur: quia ad eam comparationem, qua Deum in cœlis Angeli sancti & Electorum animæ vident, nos miseri & peregrini super terram vix solum nomen habere vide-mur. Sic igitur oret qui orat, tanquam aslumptus & præsentatus ei, qui sedet super excelsum thronum in Angelis qui minimè ceciderunt, & elevatum in hominibus quos suscitavit de pulvere inopes, & erexit de stercore pauperes: sic, inquam, semetipsum consideret, & sic attendat, tanquam præsentatum Domino majestatis, ut dicat cum Abraham: *Lo-quar ad Dominum meum, cum sim pulvis & cinis* <sup>y</sup>. Et quia tuo præcepto commonitus, tua institutione formatus, id præsumo Domine fons pie-tatis.

<sup>†</sup> Reg. S. Ben.  
cap. 19.  
*Ad orationem  
præcipue opus  
vigilantia ani-  
mi.*

<sup>x</sup> Matt. 6. b  
& Luc. 11.  
*Mens orationis  
tempore in cœlu  
dirigenda.*

<sup>y</sup> Gen. 18. d

## S E R M O N O XXVI.

## De voluntate nostra divinae voluntati subji-cienda.

**A**udistis nunc ex Regula nostra, Fratres, de humilitate sententiam<sup>†</sup>, <sup>†</sup> cap. 7. Re-cui ego quotiens legitur, toto animo intentos vos esse volo. Insipiens gulæ S. Ben. est enim & insanus, quicunque in aliis vitæ meritis, quicunque in alia reli-gione seu sapientia, nisi in sola humilitate confidit. Apud Dominum, Fra-tres, jus habere non possumus, quoniam in multis offendimus omnes: sed nec fallere eum; ipse enim novit abscondita cordis, quanto magis opera manifesta? utique nec resistere viribus, quoniam omnipotens est. Quid ergo restat, nisi ad humilitatis remedia tota mente confugere, & quicquid in aliis minus habemus, de ea supplere? Sed ô mira vanitas, ô mira fatui-tas cordis nostri, cuius elationem perfectè reprimere, cuius cervicosos mo-tus omnino domare, humilitatis materia tanta non sufficit, quin superbiat adhuc terra & cinis.

Porro totius humilitatis summa in eo videtur consistere, si voluntas

LIII 2

nostra